



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. LVIII. S. Augustini cura pro iis qui Hipponem confugerant. Liber
scriptus ab eo de fugâ pastorum tempore persecutionis

urn:nbn:de:hbz:466:1-42857

nus, & velut alter Augustinus rediuiuus,
flentibus laicis omnibus, ad locum beati certa-
minis in Sardiniam præiuit: paratus fidem
Catholicam mentē liberā, voce forti, nec non
sanguinis profusione coram Regibus & Prin-
cipibus profiteri. Cuius morte, tamquam
 fulgentis sideris ad occasum lapsi, vniuersa
 Africæ prouincia, tetrā paulatim noctis ca-
 ligine fuit obducta. Cur autem tradita sit
 vnā simul duplici clade vastanda prouin-
 cia, quantum fas est homini, ex causis oc-
 culta Dei perscrutari iudicia, vitiorum in-
 gens multitudo, & nefandę voluptatis præ-
 fertim; atque etiam Donatistarum, Ma-
 nichæorum, Arianorumque perfidia, cum
 Paganicę impietatis reliquiis; videntur ef-
 fecisse, vt bene Saluianus Episcopus Mas-
 filiensis, & ipsemet Augustinus satis indi-
 cat; suos reprehendens, quod tantis cladi-
 bus oppressi, tamen ad meliorem frugem
 redire tergiuersarentur.

Gesta san-
 cti Fulgētij
 apud L. Su-
 num 1. die
 Ianuarij.

Lib. 7. De
 vero iudi-
 cio.

Serm. De
 Tēp. Barb.
 & lib. 1. De
 peccat. me-
 rit. & re-
 missione,
 cap. 22.

CAPVT LVIII.

*S. Augustini cura pro iis qui Hipponem confu-
 gerant. Liber scriptus ab eo De fugā Pasto-
 rum tempore persecutionis.*

INTERIM Romæ qui erant Bonifacij
 amici, dum facinoris eius grauitatem
 considerant, simul Aëtij Ducis militum in-
 fidias

Procop.
 De bello
 Vand. lib. 1.

Y 2

fidias

fidias detegunt, atque Placidia renuntiant. Quæ postquam intellexit Bonifacium alienâ culpâ errasse, veniam ab Imperatore offert, si modò à furore desistat. Ille mox facti pœnitundine ductus, ac initam cum Vandalis societatem detestans, illos magnâ vi pecuniæ frustrâ tentatos, vt loco decederent, bello aggreditur: at victus, Hipponem Regium, ciuitatem Numidia maritimam ac inuictissimam se recipit: quod & fecit Afrorum haud exiguus numerus, qui bonis exuti, ad munitiora loca confugiebant; quos suis Hipponensibus commendans sanctus Augustinus pro concione, *Abundant, inquit, peregrini, captiui, & spoliati. Facite vobis amicos de mammonâ iniquitatis.*

Serm. De
Tēp. Barb

An perse-
cutionis
tempore
Pastoribus
fugere li-
citum?

Epist. 180.
ad Hono-
ratum.

Hac tempestate quidam quoque Episcopi & Pastores animarum ob persecutionis acerbitem fugere coacti, D. Augustinum consulunt, num eis fugere; & quemadmodum liceat? an potius vnâ cum ceteris, Vandalorum catenas & crudeles aduersariorum impetus exspectare oporteat? Quibus id fusè respondet, quod postmodum vniuersa hac de re Theologorum schola tenuit, videlicet, *Nec eos esse prohibendos qui ad loca (si possunt) munita migrare desiderant, & ministerij vincula, quibus Pastores Christi caritas alligauit ne deserant Ecclesias,*

clesias, non esse rumpenda. Quis enim credat Dominum velle, vt necessario ministerio, sine quo viuere nequeunt, deserantur greges, quos suo sanguine comparauit?

CAPVT LIX.

S. Augustinus in Africa depopulatione spiritualia damna magis quam temporalia expendit.

HANC ferocissimam hostium grassatio- Possi. c. 28.
Vitæ.
nem altius ceteris hominibus expen-
dēti, & in his animarum præcipuè pericula
vel mortes præuidenti, solito ampliùs fue-
runt lacrymæ eius panes die ac nocte, &
dolor hic nimis eius animi medullis infi-
xus, velut tinea sanctum virum exedebat;
amarissimamque præ reliquo vitæ tempo-
re senectutem eius efficiebat. Videbat enim
ciuitates excidio perditas, ruriq̃ue habitan- Miserrima
Ecclesia
Africana
facies.
tes alios crudeliter extinctos, alios profligatos,
Ecclesias Sacerdotibus destitutas, virginesq̃;
sacras miserabiliter quaquauer-
sum dispersas. Et in his alios defecisse tor-
mentis, alios gladio transuerberatos esse,
alios in captiuitate detineri; non paucos
etiam perditâ tum animi tum corporis in-
tegritate, fœdum in modum hostibus de-
seruire. Cernebat etiam Hymnos & lau-
des diuinas in Ecclesiis haud ampliùs fre-
quen-